

宁极斋稿

陈
深

文硕阁

wenshuoge.com

目录

关于我们	3
提要	5
宁极斋稿	6
慎独叟遗稿墓志	24
慎独叟遗稿	25

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案宁极斋稿一卷宋陈深撰深字子微号清全平江人宋亡后弃举子业闭户著书天歷中以能书荐逃匿不就所着有读易编读诗编今皆未见惟读春秋编刻于通志堂经解中其诗则仅有钞本流传而已此本前有顾嗣立名字二印盖即元百家诗选之所据卷末有题识曰陈清全先生诗稿藏于荻溪王宁远氏泰昌改元八月十日张丑敬观丑以赏鉴书画称而不以收藏图籍着详其语意殆从真迹録出欵后附诗一卷别题曰宁极斋遗稿考元诗选深诗之后附刻其子植诗五首核之皆在此卷中嗣立称其遗稿若干首出于祝希哲手抄并録郑元祐所作墓铭于后必当日亲见墨迹故有是言但元诗选题曰慎独叟陈植而此本乃题宁极斋遗稿似乎深之外集殊为淆混今改题曰慎独叟遗稿以相区别深父子诗并春容闲雅不失古风然核其体裁如出一手且深诗中多酬应仕宦之作与郑元祐所作植墓志称其以文行学术结知于士林时方承平巨室大家将私淑其子弟者必厚币延致云云大槩相符而与深之闭户著书者颇不相合疑或皆为植诗而传写讹异误以为深然如挽褚伯秀诗又似乎是时植年尚幼别无显证姑存疑焉可矣乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

宁极斋稿

宋 陈深 撰

拟骚

我思古人

陆君承之余畏友也其好古嗜学与余同而天资爽朗邈不可及暇日撰此辞遗之冀有以励我也

繫古人之寥寥兮夫何思之弗援蹇余生之独后兮曾不得与之周旋旷斯世而勿见兮故增欷而永叹抚遗籍而 览兮口所闻之可尊彼丹心之耿着兮谅虽亡而实存苟遡风而遐契兮尚何有于古今覽元化兮无穷感徂景兮如驶余髮兮种种余懷兮亹亹駉黄虬兮遐征仰超然之高轨猗圣言兮如天至道兮如海超鸿蒙兮何极窥浩茫兮无涘孰导余以正适兮遵坦涂而容曳惟谅友之昭昭庶订余之愤愤呜呼噫嘻古之人兮 我无疆忽不见兮心之伤余之思兮曷云其忘往者不可及来者犹可望非夫君之相和兮谁逍遥以徜徉

古诗

送曹叔时归淮东

羲农去我遠醇风日以浇遗经秘幽防千载空寥寥濂洛导其源百川始东朝我生性顓防望道弥坚高鍼砭无良友穷居困烦囂东平曹叔子妙年振英翹古心默相契一语神情超高堂奏绿绮长空激商飈谭 探要妙力学勩虚骄方期拾瑶草归袂何飘飘淮水白浩浩楚山青遥遥相思意无尽赠子一长謡

重 寺旃檀林桂花

有桂生祇园团团拥旌盖灵根挺盘错翠色深掩藹疑从鸞峰移迴与峨眉石对【寺有峨眉山石】商飈动闾阖夜气凝沆瀣清芬弥六合芳意函纖芥华飘广寒府金布如来界天空氛翳灭冏冏凉月挂幽人夜禅起淨想湏脱解清遊时独行真赏聊自爱妍华易销落徒抱贞心在苍鸾宁复来临风发深嘅

姑苏台晚眺分韵得高字

残阳古城曲岌岌荒台高不知何年创尚尔结构牢青山拥危楯白水环空壕美哉此山谿惨澹悲雄豪当时一战霸意气何矜骄蛾眉坐倾国忠魄随怒潮空余故宫苑寒雀飞野蒿佳辰晤良友清眺舒烦劳夕风振丛薄鸿鴈中天号永懷五湖客一舸凌云涛浩歌沧浪词愿言从

遊遨

送释存遊苕川兼懷子昂學士

吳興山水邦杳蕩雲氣萃岡壑抱縈迴溪流防清駛逍遙烟中客縹緲云際寺振錫赴幽尋攬袂接遐契是時秋正中曠朗天宇霽明月射神珠光彩難自閤漁歌和遺音茶經詫幽事欲从烟靄遊苦爲塵鞅系緬懷金坡英归来云壑媚采采白蕢花因風爲遙寄

次韵陆承之歲暮述懷

鷗鷖晨先鳴絡緯夜虛織物情固有殊亦各競時急遙遙丘中士荆扉昼常閉賦詩悲徂年开卷懷往昔廓然一言得不愿千金易大江流汤汤白日如过翼虛堂拂朱弦鼓三叹息西山遺清風潁水有奇迹勗哉望前修猛志庶可及自當葆天和政不慕人益

孤鳳篇上靜軒閣學士

南山有孤鳳丹羽何葳蕤朝餐琼樹實夕飲天津池岐陽曾一鳴千載今無期将从和風翔俯視塵壤卑梁藻匪君食枳棘匪君栖遐舉昆丘陽肯爲云萝羈坐迟箫韶成振翮还來儀

送周必明北上

天寒霜霰繁歲晏日月駛周子何倉皇孤征詣燕薊寥寥抱遺經皦皦蓄幽志青雲既交荐白首期一試蒼松多勁枝老鶴負奇氣扶搖信可抟高冥不難致泮林日雕疎子矜氣沦替側伫典型人復理俎豆事明年薰風矯首江南溘愿偕魯諸生敬攬叔孫袂

隴西太夫人八十壽

恒山镇朔野積翠凌太虛中有仙子宅霞光抱云居怡怡伯陽姥八十顏猶朱神交殷玉女秘字傳金書逍遙人間世靜壽仙者徒令子返烏哺專城綰菟符金章映彩服錦障承雕輿前有命婦掖后有孫扶春風溢慈幄曉日暉庆圖海桃摘霞實靈芝掇云腴南山爲爾壽北斗爲爾人生天壤內菽水欢有余矧茲壽且貴身与五福俱厚德获隆報彼蒼默相孚詩人頌燕喜此乐不可渝

寄題天与清香台

芳園矗層台宛在江之曲何年植琼樹粲粲紛在目美人芙蓉裳超遙防空谷時登月中觀玩此枝上玉幽芳忽吹來妙契心自足維皇豈虛畀真意盖有属夜防耿无眠霜霰天地肃寥寥翠禽語葱朧曙光旭

简秦章甫【章甫中飞文之祸得释诗以道之】

楚楚洛阳生清介常寡与宦遊江之南移家寄吳渚辛勤奉防甘言动无过举阳春万物新霈泽均施普乘风方高翔摧翹堕网罟飞文中善类横逆夫孰御白日照丹心皦皦中自许有能辨冶长终然脱石父操存谅深固夷险咸善防涉难知弥明履变德益聚静探元化心忧患真玉汝

慰陆子顺丧偶

歲晏登禹陵山水清遊纵迴舫舣西湖壩箴諧伯仲旅 灯防青炊白感幽梦絕弦闻遗声据藜发哀恸重怜遊子情惧乏尊章奉凄风动虚幌斜月照飞栋芳胶解钿朶流尘昏翠鳳荀香怅未歇潘诗应屡讽孤兽骇哀鸣离禽感幽哢防庄亦何人傲倪自惊众遗情信良难至理堪折衷

题梅图

王妃还绛阙委佩烟江濱瑶华振英采照曜山水春海若不敢受谓是天上珍掌管倩姮氏封防烦滕神风标二公子素服靚且新邂逅蓬莱使翩然与相亲畫师何从见泚笔开清真数幅悬高堂一洗凡格尘我欲商妙语唤起逋仙人

曹叔时见过索钱篇

泄云防朝日防雨霑庭除幽人掩關卧门外无来车曹子别经歲枉道过我庐谓余抱文艺胡为守乡闾余曰匪高尚褊性涉世疎上奉白髮亲余暇读我书岂如叔时甫妙年美名誉词华烂絺绣问学滋新畚奉子一卮酒聊为谭斯须威鳳翔高阁逸驥腾云衢及时树遠业临事毋踟蹰

壽元俞治中

凯风荡清淑秦溪钟妙英世德裕后遠盛年振清声余昔客君家君甫十二齡期君世济美事业如甘卿防言副深望荣涂踐修程东吳大藩地政繁任匪轻剗裁得终贾防刃新发硎勉奉兢兢戒毋着赫赫称临下必以庄事上必以诚勤劳慎细事惠爱苏疲氓制动由静一养心贵和平尝闻公辅量允矣王休徵【王祥为别驾世以公辅期之】题梁中砥诗畫图【中砥有送存书记诗云一声两声松子落一片两片枫叶飞夕阳在山新月上道人相伴一僧归赵公子昂畫而为圖中砥索诗湧赋一首】

山昏归云敛叶落夕飈驟疎松漏防月清光照岩窦烟中二仙师一笑欣邂逅行行扑空翠杖屨相先后清景适与期得句若天授畫成诗逾絕开卷消鄙陋如饮中冷泉可咽不可 我懷陶贞白日夕梦三秀何年卓茆庵餌术衍遐壽

丁酉元日

夜中不成寐卧觉风剌剌残寒贾余勇飞雪犹厉惨黎明卷新霁旭日光晦暝穷陰得阳和春气已先感负暄南轩下余生亦云忝高门谁能走蓬户镇常掩驰车听奔湊庆语絕媚諂自甘守疎慵岂复叹坎 濡毫寄柔翰隐几坐文毯壶倾酒不竭炉拥火始焰吐咏探清新研书味真澹流光信难驻华髮那可染拊已欣有得感时能无憾贞吉宜嘉遯心亨由习坎浮云易盈歇神鉴常渊湛龟勉奉吾亲力学深自贬

送沈彦楚

清才不数见世固未易识如王在荆山落落混于石沈君义兴彦恨我未良覩陆子不妄交称许斯为得况有阙里孙延之致经席比聆道吳闾捧檄建德国高歌诵唐虞诸子有矜式岩滩浩烟霞山水澄鲜碧暇日一登临清赏慰愁寂

别卫山斋

何防桃花源超然欲高举永懷尘外遊遐契烟中侶时从清夜防默探元化祖寻幽得佳胜将期结茅宇任公五十牯竭来向江渚投竿鱼不食归兴浩莫御遥岑下落日薄云阁清雨扬舲吳淞濱褰裳采芳杜长歌去英淑未卜重晤语相期防有时散髮卧云屿

送许希元尉德清

士生天壤内所抱者奇气当观人品高岂向名爵贵子真第一流沦迹南昌尉至今疑仙去风节照百世希元人中豪未识我深愧尝闻畜爱马童子刺而毙略不动声色度量有余地岂易议浅深是固余所畏陆子少许可欣然纪其事迹聆尉山邑芒刃聊小试茗水清且迅茗民号难治愿言化以德勿但施法制令闻起在今防言毋我弃

题郑栢 所藏莲社图

白莲生清池至防尘不污当时取名社亦以清淨故乐国初无有莽莽果何防陶公寄醉乡盖深得其趣公何挽不入谢何推不去逺师信高识心杂固不取盗循彼何人一见乃深许士固未易知身名期歲暮遗风惊千祀流落见缃素永懷名山遊乐与善人遇匡庐青拂天江水日东骛我将解世纒已办登山具载酒酌渊明问津桃源路

内人臂白鸚鵡图

华清宫中歌既醉南海奇禽逺争致王环最爱雪衣孃当时曾得龙顏媚璿房雕防春日长綉防娇儿在傍戲君王怜汝解语言懷恩不说宫中秘临风鵲鸟何轩轩叹惜纯良遭猛厉茗翁寫出当时事側立红衫内人臂江花满地不忍看空拂畫图怜俊慧

壽金仁叟

娇黄着柳回东风王雱協瑞飞璇穹金防噓暖香雾蒙铜槃蜜炬光如虹尊前笑挹南极翁海
桃压袖朝霞红苍苍五桂云籠嵒南山翠色摩青空仁者静壽如山崇世间凡语难形容

书骏马图

王良伯乐骨已朽曹霸丹青亦希有开图歛见神骏姿对酒高歌雄剑吼祗今骐驎困防车落
日长鸣擡昂首嗤嗤俗眼迷天机相士嫌贫马嫌瘦

贈道眼相士

岳生年少精悍姿双眸照人炯秋水气直云天亦自竒口谭风鑑政可喜一鶚盘空势轻矫夕
风吹波云欲起海岸相逢话不休一笑人间五百祀方瞳祗合相山中燕颌自堪侯万里人生
出防难豫期浮云变化无穷已巫咸一去不可追归来心服壶丘子

近体【五言律】

南遊

驱车登遠道白日忽西流宇宙惊新梦山河感旧遊云迷江令宅月澹庾公楼已已知何奈长
歌去国愁

晚望

莽莽荒城下悠悠古道傍秋风吹草木落日下牛羊感慨悲新事登临叹异方长吟意无极回
首一霑裳

春日即事

忽忽春将晚幽趣亦佳山蜂时入座野鼠昼緣阶俗事何能已浮生信有涯庄书读一尺聊
复散幽懷

次韵贈钱德钧

嗜书仍好古亶亶一生心搜抉无遺隱幽忧不废吟云鸿何许烟海浩难寻怅望高深意秋
空起暮陰

寄友

山中太王子比日复何如自恨数年别无因一寄书江湖惊老大日月暗销除防晤无期在凭诗问起居

寄友

海内皆兄弟情深莫若君那知经乱后翻作久离羣皎皎云中月悠悠岩上云相思不可见清梦绕江濱

懷钱德钧

城南寡徒侶钱子数来过翰墨相娛玩文章互切磨交遊常不厌间濶竟如何风雨懷君夜空斋秋思多

登阳山妙淨院

野寺虽牢落山僧亦自如幽栖邻虎穴灵迹近龙居地胜轩楹古天寒草木疎憑高望城郭把酒一欷歔

赋月中桂

天上何年种婆娑碧树幽根盘蟾窟古花落鸞峰秋祗恐冰轮碍时烦王斧修素娥从延伫攀折使人愁

江上

放迹清江上悲歌惜歲穷孰能回白日我欲问苍穹天地遗民老山河霸业空清愁无着防卷入酒杯中

次韵沈冲叟见访之什

卧疾萧斋冷门深一迳苔空庭小雨过瘦马故人来把酒悲新事论诗畏逸才未能亲往谢病眼怕风埃

次韵沈冲叟闲居即事

晨起盥栉罢焚香默坐余朝阳上 戸寒雀下庭除隠几商清句开槭阅素书吁嗟望尘客徒解赋闲居

防霜晴诗

旭日照萧晨凄清不受尘冷光明似雪冬暖胜如春红叶辉相照黄花色愈新南 差可爱曝背豁天真

其二

朝暾上高树雾卷海天遥劲气乘寒凝严威见日销钟清出逺寺马滑恐危桥稍逼南枝暖疎花破寂寥

次韵陆承之寒夜有懷

客心惊歲暮不奈送愁频茅屋夜来雪梅花江上春驱车防行旅闭戸有高人奚待扁舟兴风期暗与亲

其二

壮志寥寥在流年冉冉催寒灯和梦照暗雨挟愁来白雪词难和青山首重回夜防浑不寐慨想陆机才

挽王伯英

之子尤谦抑亲曾奉酒卮懷才嗟未用抱疾竟难治歲暮风霜惨天寒草木萎壮年今已矣慷慨有余悲

送张德美北上

廓落江海客素懷经济才年高劳治邑道直恨无媒白髮丝千缕清风水一杯功名须老大行矣莫迟回

晚步【分韵得吟字】

偶偕二三子曳履古城陰遠慕求羊迹永懷江海心残阳隐深巷积雨歇高林自笑黄芩曲那追白雪吟

送馮茂叔分教丰城

晋朝雷焕地君去是清遊神物今何防沧江空自流客程二千里吾道一扁舟徐孺祠前过汀苹为荐羞

赠孝防

海内知名士乘时各树勲辞华咸彙进节行乃今闻清月升林表白华开水漬緬懷纯茂德遥睇楚山云

送畊存大叅使日本

东隅久不庭抗疏出忠诚不憚殊方使期休四海兵长虹贯日白巨鷁压波清笑下扶桑国归来致防平

其二

陆贾初驰诏终军已请缨上方颺委任南国诵威名挂席鹏风顺敲舷蚌月明阳侯应拱防不遣海涛惊

挽褚雪巘高士

矫矫环中叟【号环中子】清强八十余平生山水趣尽力老庄书【尝注老庄】黄鹄人间世白云天上居蕉花吹又落回首一欷歔【所居种芭蕉又号蕉池叟】

王太古偕遊灵岩余以事中止先还

峭峭孤峯起苍寒倚太虚尚嫌凡子到那被美人污霸业消磨尽浮屠突兀居憑高怕凄怆兴尽即迴舫

题潘臞斋容安书院

屋上即青山柴扉镇日關烟霞三径足天地一身闲归去词堪和闲居赋可删簞瓢差自乐高视眇尘寰

送范竹所赴吳江学职

多士乘时出亨涂志业优名家传旧学文治佐新州六月江湖冷三山风雨秋应懷霸越祖落日望扁舟

送赵仲明还山东

东吳隱散曹解印脱烦劳案上留丹诀罇中有白醪北风淮水疾落日太行高遥睇云飞防归心正鬱陶

次韵高龙洲入道

轩车絶华念野服遂幽情白鹭临溪迥 蝉余露清【时龙洲不茹荤】弃家师季伟蒔药友
通明且结烟中客谁论世上名

臯桥岩中道院与梁中砥商岩翁防饮

夙有岩中约今晨得得来幽 六人坐清思一时开雪下宜看竹天寒未见梅人生良防少莫
惜共持杯

送王从政赴番易慈湖讲席

杨子清而粹遥遥江汉灵无人继絶学有客抱遗经霜冷鸿飞磧秋晴马在垆东逢山似象回
首静仪刑

从政和韵来谢复就荅之

并州沈厚士气质得天灵吳下留三祀军中讲六经防云防霄汉清月出林垆载鼓汾亭曲令
人识典型

其二

墙东甘静防诗思妙通灵堂有慈亲奉门无冗客经佳儿诵书史深巷类郊垆应解庄周学全
生不近刑

赠张受益检校

山水经行遍萧闲吏隐情劒寒光不泯鹤老骨逾清倾盖逢知己论诗盍让卿从来说张祐不
是浪传名

其二

德刑相济用自古意尤深肃杀冬神令慈祥使者心月明清驿路风色定寒林善政民应化母
忘鲁叟箴【时受益监刑诸盗】

悼亡

短日一何急寒宵不肯明霜寒那有梦月落重伤情壁冻琴丝断风惊烛泪盈防言忆王衍达
理悟庄生

次韵赠友

柴门饶野兴不逐世浮沉父子诗书乐山林木石心玩云聯晚句卧雪拥寒衾又欲移家去幽栖恐未深

深居

闭闕屏人事徧性乐深居琴罢更无事昼长宜读书粉墙苔色古怪案竹行疎渐喜相知少门无冗客车

题沈华溪诗集

暑夕坐无寐把君诗独謡才堪敌氷柱韵不减江防瘴海三年隔风沙万里遥相逢欣有得倾篋尽琼瑶

挽沈氏母夫人

允矣夫人德传家庆有余生存黄鹄操死 白龙居落月沉沧海浮云散太虚曾为陶侃客酌酒重欷歔近体【七律】

晓望呉城有感

呜呜寒角动城头吹起千年故国愁才见専诸操匕首旋闻西子载扁舟霜寒古寺钟声早月落南园树影秋一笑浮华易盈歇白云长在水东流

送刘梅溪遊句曲

华髮萧萧两鬢秋醉眠花竹旧风流天心桥畔行将老【刘居呉天心桥】地肺山中隐去休半岭白云容可玩一庵明月尚空留【刘有故庵山中】西风趣赴方台约岩下遥看二老遊【句曲有四平山亦名方台刘故人吕江蟾号四平翁】

次韵叔时述懷

文学渊源百行余浮夸深陋汉相如性灵偏爱居山水才大难堪奉简书毛义仕来身暂屈扬雄老矣计全疎强顏防禄营甘防已约烟霞共结庐

次韵子封承之遊桃花坞二首

二仲相从共此遨蒙蒙花气袭征袍防家绿暗藏深坞一径红芳落野桃春色暗随流水去客懷空逐暮云高临溪忽动秦源兴应叹浮生何太劳

其二

闾门行乐送韶华闲访城陰野老家黄蜨得晴飞菜叶翠禽隔浦啄桃花衡门倒屣临官路古渡横舟阁浅沙亦有诗人时一到醉吟行尽夕阳斜

贺胡西轩入道

世外尘霞净绮紈天风吹梦绕笙鸾清名从上升丹台篆散秩新除紫府官九醞霞觞分帝所千秋银榜表仙坛蔡经一见心相契应许亲传蜕骨丹【胡礼蔡君为师】

次韵王松陵

江上青山拥县城江头结屋放歌行散人昔有陆鲁望防士今无祢正平万顷云涛聊自赏百年肝胆定谁倾何时适有扁舟兴趁得垂虹夜雪晴

和龚翠岩雨中述懷韵

风流翰墨传千古议论文章自一家静爱云林披白苧懒趋闾阖草黄麻江山故国闲停櫂风雨僧 自瀹茶甚欲从翁俱隐去云深何防问桃花

雪后遊石湖

众峯戴雪王崔嵬风定湖光镜面开山色可堪西子笑溪声曾送越兵来天寒野水摇孤艇日落浮图对古台回首风尘翳城阙愁来谁伴倒清罍

范公农圃堂

振屐重来事已非却怜清景不相违晴湖尽属盟鸥乐夜月还惊化鹤归万里吳船空野水百年庾宅尚斜晖醉哦昔日三高些千载何人复见防

送邓觉非赴金陵学职

城南不得遂相羊又着纶巾出草堂李白杯中停月影米家船上贯虹光西来江水知乡近北望淮山引兴长应傍荆公祠下过向来松竹尚苍苍

送潘臞斋赴防稽讲席

四十臞仙髯未班谭经海上看青山曹江蠶白澗难读禹庙梅梁去自还叠嶂晓晴诗笔锐平湖风定酒船闲曾闻百粤多奇士暇日清遊盍叩關

汤梅山为道士归呉还山赋一诗以饯

三年独向孤山住应为梅花滞水滨
沧海鹤归空有语荒城草长又逢春
芝田火暖丹砂熟松峤花香白醖新
安得与君俱隐去烟萝深防着闲身

舟行邂逅周西园出示廻文诗就次韵

遊遨适兴随幽境笑语相逢忽并船
流急溅袍飞带雨岸回迷草暗浮烟
楼高近水防飞鸟树密藏云咽恨防
愁破已空尊酒绿醉吟同眺晚晴天

赠呉江学掾

万丈垂虹阿那邊君来山水愈清妍
洞庭云气浮樽俎震泽涛声荅诵弦
汀柳垂遮灵运笠江花飞落广文氊
此行适有稽山兴湧系春风载酒船

宿真元观

泛泛春风湖上舟幽寻不觉到瀛洲
碧桃花落门前地翠柳陰垂水际楼
半夜雀鸣松院静一天星照石池
幽瑶林疑有神仙隐愿得相从物外遊

赠陆稼邨

风雨鸡鸣江上村祇今遗叟防人存
煎茶陆羽忘尘世学稼樊迟老圣门
百尺苍松心不朽千年古井水无浑
丹崖翠壁何从见一笑相逢醉竹根

澄虚观玉皇阁次韵

岿然高阁镇呉州妙手应烦玉斧修
万叠红云凝寶座一输白日抱瑤楼
蒙蒙灏气疑浮蜃炯炯神光遠射牛
终待留侯辞富贵还来相伴赤松遊

又代赋

狼藉风烟知防秋巍巍杰阁焕然修
移来世外神仙宅幻出云中天帝楼
眺遠但知观万象养生应悟解全牛
帝觴他日分余沥咫尺钧天得梦遊

赠周山人

牀头曾不置黄金野褐纶巾善陆沉
七十康强疑有道一毫荣辱不惊心
草根露冷沾芒屨栢子烟清暖布衾
时啓青囊看山水行歌行入白云深

又贈

郭范寥寥數百年地仙還復出人間豁開天外一雙目看盡江南千萬山玉指暗攢烏兔定金盤活捉虎龍環我今欲卜神仙宅霧豹何妨露一班

餞楊世章

阿章年少懋才猷栢府當年與贊籌高卧久無求仕想閑曹聊作讀書謀風烟坐度吳江晚山水重探禹穴幽正喜相逢又相別飛花不分酒離愁

送信甫之江東

僦屋吳城不厭貧江東初奉荐書新壯年才畧須名世異國光陰肯滯人官舍草生三月晚遺宮花落六朝春到時公事期程暇應有新詩寄我頻

挽湯桂橋

三楚名家有異孫昔年射防對君門青衫佐幕聲名重白首譚經道義尊天壤忽驚遺老盡衣冠今復防人存小山桂樹傷愁絕賴有清香為返魂

又代挽

壯歲名登進士科青雲直上趁鳴珂子真遐舉神仙隱【作尉歸隱】晏閑居制作多空掩高齋藏滂藁竟無良藥起沉痾諸郎毀瘠銜哀切為報門人廢蓼莪

送悅心北上

便乘天驥上通達笑拂吳鉤氣益奇徐庶交遊盡名士王維才藝重當時西風星斗寒芒動落日川原秋興悲莫向黃金台上望霸圖消歇草離離

寄東臯叟

移家東去寄田廬始見高情與世疎愛酒定從焦革飲卜隣應近仲長居天寒掃雪催煎茗秋雨臨溪命魚靜里獨全山野樂人間榮利不關渠

近體【五言絕句】

題秋塘圖二首

寒塘淨如鏡云冷水蒨秋溪鳥無情物悠悠不解愁

二

水落秋菰老夕寒烟樹防絕憐雙白鷺飛去似知防

題畫扇騎驢踏雪

雪沒驢腰白行行詩興催不因太清絕那肯犯寒來題錢舜舉寫生五首

石榴

萬里乘槎來錦衣驚畫炫相逢秋風中忽發一笑粲

青

蒼然藍田姿幽懷瑩冰雪邂逅青門翁曾救人間渴

水仙蘭

翩翩凌波仙靜挹君子德平生出防同相知不易得

菊花

百卉盡搖落獨傲清霜里披榛見黃花淵明元不死

戲嬰圖

秘矣宮中戲人間那得窺開圖付一笑能不類兒嬉

送人遠宦思親還鄉

堂有期頤母天涯事遠遊人生歸養樂薄宦一萍浮

題王立章云山卷

岌岌兩峰峙嵐光照寺門青山無今古白雲自朝昏

題扇上畫

老树千年古精灵变化奇纯阳有道士犹且被渠知

二

古木排山立幽 傍水开直疑林防士独棹小舟回

题秋塘小景

寒溪上下碧水鸟去来轻衰柳伤秋色应知畫不成近体【六言絕】

题习斋先生扇上畫

石罅修篁萧爽水邊老树槎牙气味与翁相似歳寒长对苍华

题扇上畫

蹇驴欲往何防落日空山暮钟行到水邊幽寺白云低覆青松

近体【七言絕】

小园即事

淡黄杨柳着烟轻细草茸茸衬屐行行到水邊心防防夕阳一树杏花明

南湖史君制暗香汤奇甚赋二絕求之

飞尽梅花重惜芳仙房想像制新汤犹疑清浅溪头汲石鼎煎来水亦香

二

雾閣云 深闭春防闻玉杵捣清声 霜祇许英英见地上诗人渴梦生【时侍姬新至故戲及之】

和南湖史君烟景墨梅图【时闻有 州新除】

依约罗浮翠岭前美人玉立破苍烟畫图未许分明见一夜春风入梦先

夏日南轩

并水轩 宜夏居夜凉如水似秋初科头枕石卧明月仰面迎风看太虚
出城道上有感

岸上征人水上舟古今行役梦悠悠恰如河畔青青草死尽还生那得休
隣圃求桂花并收坠英

万里西风桂树秋蟾宫云箔夜香浮何当净洗红尘梦乞取一枝遮醉眸
二

收拾残英捣作汤小山风味不能忘敢烦即遣苍头去扫取黄金一斛强
题唐圉人调马图

飞龙天廐隘云稠一匹骄驰掣电流枥下髯奴真厮养眼中元不识骅骝
赋桂山【其人善槲书大字】

小山桂树碧云西三叠槲心月未低曲罢便乘苍凤去广寒琼榜要新题
赠恒斋葛太医

呉下谦谦抱朴孙妙年应遇长桑君素心皦皦恒如月一寸灵苗手自耘
二

人间无地不 嵌刺眼医门剑防森操术不为流俗变始知夫子有恒心
三

少小烟霞痼疾深已将钟鼎等山林年来更有耽 癖烦向膏肓为一鍼
济南赵君成南使羈留三纪得还其犹子录其遗事求诗为赋一絶

三十六廻秋月明年年望断鴈南征苏郎皓首还乡去媿杀当年李少卿
呉市售药

山夫聊作市防居
湧学壶公计已疎
収卷向来经济策
案头唯集古方书

题山水扇

青山绿树蔽层楼
应有高人隐一丘
客子门前过何急
古今行役未曾休

二

江上层峰拥翠螺
人烟隐隐见岩阿
泊舟二子登平陆
遮莫风波奈尔何

乐府

水龙吟【壽白兰谷】

此翁疑是香山老
来愈觉才情富
天孙借与金刀玉尺裁
云缝雾一曲阳春樽前唯欠柳蛮樱
素对苍松翠竹江空歲晚伴明月倾芳醕
深谷修兰楚楚续离骚载歌初度麻姑素约天寒相
访遗余琼露拟借青鸾吹笙碧落采芝 圃奈玉堂催召文园醉叟草凌云赋

贺新郎【壽黄春谷时自南州过浙右相宅合卺有期适逢壽日】

丹鳳翔云表
揽德辉翩然飞下翠蓬仙岛
银汉无声天如水
昨夜新凉多少【前夕立秋】听一曲琼箫音 千尺秦台凌空峻
见一双翠羽先飞到披紫雾揽瑶草 风流别乘当英妙对江山
掀髯把酒浩歌长啸绿髮公侯何足浼自是无双才调况槐防青青天杪月殿姮娥云深防
近清秋丹桂催开早斟绿醕戴花防

沁园春【次白兰谷韵】

浪迹烟霞有酒千钟有书五车任从来萧散闲心似水何堪妩媚笑面如靴濯髮沧浪放歌山海肯被红尘半防遮谁知道抱无名钜璞重价难賒 嘻嗟大泽龙蛇且蟠屈深潛得计些看淋漓醉墨神情自足摩挲雄剑肝胆无邪渭水烟蓑营丘绣袞出防何尝有异耶今何在但素蟾东出红日西斜

齐天乐【八月十八日壽妇翁号菊圃】

秋涛玉涨西陵渡江亭晓来雄观帝子吹笙洛妃起舞应喜蓬宫仙诞斗墟东畔望缥缈星槎来从河汉明月楼台绣筵重啓曼桃防 庄櫺一树翠色五枝芳桂长金蘂玉干自笑狂疏樽前起壽不似卫郎温润一卮泛满羨彭泽风流醉巾长岸老圃黄花清香宜晚歲

西江月【制香】

龙沫流芳旖旎犀沉锯屑霏霏薇心玉露链香泥压尽人间花气
银叶初温火缓金猊静袅烟防此时清赏只心知难向人前举似

虞美人【题玉环玩书图】

玉搔斜压乌云堕挂颊看书卧开元天子惜娉婷一笑嫣然何事便倾城
马嵬风雨归时路艷骨销黄土多情谁寫畫图中江水江花千古恨无穷

洞仙歌【八月十七日壽畊参夫人时命羽士设醮】

银洞湛碧遥泛仙槎早 宿荧煌瑞云晓庆芳传丹桂欢动连枝称壽防一簇蓬莱翠窈 步虚
声婉转清彻瑶坛疑是钧霄鳳音渺正金母礼虚皇天阶净凉入绡衣风裊想金书秘字赐长
生进九醞霞卮练顏长好

梅山铭

子华甫隱于药而寄兴于梅尝以梅山自号请铭于余廼为之铭铭曰

天地变化其机不停 陰既极万物用贞由剥而复防阳始升苍山沍寒幽花独馨玉质朗耀
鍊枝嶢嶢皓雪让洁素月并清得气之先斯仁之萌自华而实斯仁之成吾宗子华揽元化英
观梅于山而得养生寓仁于术慈视孩嬰充之自兹以達八紘

赞

俞时中小像赞【服防古服手执周易一卷】

渥丹其顏如防其须服今之服执古之书吾闻古今殊途有如舟车知者自达愚者拘拘唯易
之道变化不居孰为俞子而作是图盖将示我随时之义君子之中乎

老子赞

超物先妙自然见之者犹龙焉贯三极垂二篇畴复识 之

宁极斋稿

宁极斋稿题识

陈清全先生诗稿藏于荻溪王宁遠氏泰昌改元八月十日张丑敬观

慎独叟遗稿墓志

吴有隱君子曰陈君叔方自其上世皆以读书绩学服膺儒行然皆隱约终其身至于叔方父三世于兹矣始予東入吴识其尊府君宁极先生沈潜问学淹贯羣经年登耆生识先輩著书立言咸造底蕴予与先生有妻党维私之契而先生长予三十年余先生降屈齿德时相过从高谈遗经亶亶不絕予于君有一年之长而君能以文行学术结知于士林时方承平巨室大家将私淑其子弟者必厚币延致有非乘壶牵犬所能致礼也而君纯行笃孝每館授归具浣淥又不但于中裙屣逾若夫温清室庐则其上世蔽风日者至于 饮食之奉必君躬庖其珍羞价虽极贵而必以娱亲有所不计也以故老先生壽体康宁无毫髮不如意者皆君有以致于养也君既纯孝又能力学其为文动以经为准贯穿诸别集裒其精华以立言其为诗尤刻苦精练本之于壮而叅之于唐人诸名家在宋则尤喜陈黄致于画思之盘礴裸跣山林泉石幽篁怪木各尽其变态然富贵以挟而求之者虽百金不以予一笔兼之襟度洒落其割寄三牲之养以奉客亦必肴膳丰美器皿精洁与人交尤重然诺然仅二子年七十卒至正二十二年冬十一月五日君首娶费早卒继娶夏二两男长讷亦既有妻有子矣而皆早卒次谨尚未娶女二人长妙慧适俞沂先卒次妙清适曹敬德谨即以君没之十又五日奉君柩葬之于吴县灵岩鄉朱墩之厚君之曾大父讳德一配张氏大父讳暹配柳氏宁极先生讳深字子微配周氏君讳植尝自号慎独痴叟君既没朋从乃以君所自号而私谥之曰慎独处士云谨乞铭于予乃为之铭铭曰士而处矣久则当举矣胡为乎更三世而益伛也身虽屯而道则纯岂得于天者而嗇于人耶既以有行有言无淄磷矣其亦不朽者坚珉矣尚何痛恻有弗信者乎

慎独叟遗稿

元 陈植 撰

心远堂为清夫赋

渊明去千载吾犹识其心 清风在遥遥白云深张子抱奇尚構堂太湖陰发挥陶公蕴高
视古犹今茫茫方寸地肯受尘垢侵翛然坐遥夜片月生高林朗咏止酒诗笑拂无弦琴世味
如嚼蜡勇进忘华簪凉风起藜薄秋气感我襟短髮已种种衰年复駸駸及此树明德愿言式
如金

为朱自斋赋

三衢仁政妙如神曾活饥民百万人归去淮南山色好定知草木借阳春

扬州二十四桥月此夜常如千古新个里风光今揽取得闲输与自闲人

长美寬宏好德人庆门雍穆自闾闾只将孝友施于政拍塞乾坤总是春

代上张文卿秋官

曾种弋阳花满院又移佳政惠吳民公孙华胄遠流泽东鲁名家信有人断事以经唯守道緣
情用法果如神甘棠听讼期无讼竚见圓扉碧草春

即席次鹤舟韵贈正之道人

十年学仙祈不死先生有道直如矢荣华看破等虚空只似晴空霞粲綺小楼清话醉陶陶隔
屋艷歌惊靡靡安知广陵老仙人面如红玉心如水相期直上玉霄峰欲别共饮吳门市枇杷
正熟雨初晴送君高步白云里曲江桥畔赏金华千仞峰头采琼蕊明年约我来名山息念从
翁问 防庭槐清閤昼陰浓喜对南薰第一风欲得休徵仁且壽他年九十作三公

送欧阳耐轩职教吉州

白首春秋学青衫山水邦文星近南斗化雨起西江烟树笼朝月秋涛撼夜窗老懷随处适莫
惜倒清缸

贈耕隱郑相师

士何乐于耕聊以隱其德君家有子真清名振京国后来鹿門叟独往岂易得茱阳世蓬掖髯

也更超特力耕不逢年习隱未絕迹岭芝安能茹山薇那可食宁为严君平肯作杨执防寸田可治生
耰耨去荆棘眼光射牛背月冷秋汉碧长啸来清风高视睨八极欲识天下士何惮走破屐
鸢肩客新丰燕颌侯絕域将相得若人海内自安息生民尽吐气君亦与有力我非岩廊姿自是
山林客荣念久已忘顽鄙如木石君顾乃误许极口谈啧啧见吾衡气机求之殆声色是相不可闻
非相不可识放之大无外敛之微莫测或堪为神仙华峰分半席愿从麻衣子卒学先天易

题华清私语图

深宫夜半语鬼神亦莫知如何播歌咏万古星日垂君子慎言行所守在隱微欲人不知事毫髮不可为

送赵生

雷峰如画别来劳梦思江乡为客久歲晚到家迟夜暖梅先发冬深草亦衰红尘染衣袂莫使白云知

送夏景扬之东流

闭户三日雨聊题赠别诗江流向东处君去定何时五月风气冷九华山色竒端能扣舷去不媿木肠儿

送马唐卿北上善推数

穷达皆由数君行已信天老亲年八十游子路三千燕雪沾襟冷吳云望眼穿緬懷忠孝祖濯足傲当年

寄本斋

衡阳南去能无鴈汉水东来亦有鱼珍重故人官已贵三篇不换一行书

题水仙卷

翩翩凌波姝伫立江之汜明妝秋烟中水佩风裳委澹然真素姿尘世那有此吾欲拟其伦梅仙差可媲

题逸马圖

逸马脱鞿勒野性适其适人能解天弢何往不自得

云西懷友画山水寄之求題

幽懷渺何許悵望暮云碧思之不容言画之那可得故人別去亦已久汗漫有期俱白首思之思之又思之何如相逢一杯酒

題老虎橫卷

老虎嘯空谷猛氣猶未銷耿耿自雄踞一任妖狐驕

相逢行送方叔高之九江

相逢吳門市知自漁陽來朔風號歲暮落日心悠哉

綠水曲

綠水西閶道送君江上行盆城應不住五老笑相迎

送周舉道解滿榮旋

矯矯中州士圓機妙剗裁清時期有用小試漫淹才日下聲名起天池變化來還家防衣樂第恐鶴書催夷門有佳士大器本璠璣委吏那為辱長才盡有余詩書藏谷粟德業寄菑畬斑彩歸欬樂誰云志未攄

次綦母潛龍興寺詩韻

先朝黃葉寺老屋白雲扉燈續長明火僧猶壞色衣防經馬迹遠念佛鳥聲微唯有閑閑叟坐看紅日飛

餞四明吳典史

翩翩入東去何異乘仙槎左攬扶桑日右挹蓬萊霞朶頤絕羸味老手防鯨牙應湏佐寬政花縣藹春華

挽陸子順

早遂田園樂人推靜退賢安知名下士竟作水中仙韋氏珠生蚌米家虹貫船良朋驚頓失歲晚獨淒然

餞行之諸暨知州

晋人素重入东行况是山陰道士程浙水饮来乡味近鉴湖到了宦情轻臘栽棠树陰还闕更
给莲花俸最清第一流人冠当代化弦振起旧家声

题草虫卷 仲寬持曾无疑草虫七物横卷见示戲作演雅一首题其尾

蚝蜢趯趯常折肱小蝇营营工为口蜻蜓防水何太轻蜥蜴缘壁徒善走蜜蜂私已翻为人螳
螂贪前仍顾后唯有 蝉脱蛻来独立餐风净无垢

题曾云峰草虫

云峰笔底超畦迳描写草虫得其性孰云磊人羞作笈不见充儿防殒命

挽西江邓

三为文学掾以鼻祖元侯故国逾千里寒山闕一丘家藏峰桐古墨漱楚花秋不见西江士空
悲逝水流【善写兰家有古琴】

吳台卜居从忘却在他乡门柳萧萧古庭兰煜煜光好奇储秘笈传业付诸郎荒草惊埋玉江
枫昨夜霜

题时太初遗文卷

海虞孕英秀天不假以年文翰俱防落唯余十四篇遗珠特精莹修兰自清妍有子絕肖似庶
以永其传

紫琳腴端砚铭【二首】

余游金华得此珞石鸛鹄其眼马肝其色精莹而泽如王之质将昌斯文实天所锡云蒸霞濡
挥洒 墨垦此石田以期后获号紫琳腴殊称其德

落落三四防如晨星之光挟赭霞而朝初阳毓兹龙渊之秀蔚为 圃之祥号紫琳腴其称允
臧云蒸露湛挥洒六籍之芳铭而棣藏以俟斯文之昌

吳江顾仁甫义塾

泽国渔歌里喜闻 诵声切磨当以渐敦学谅俱成义塾安儒业高门躋世卿诗书有真味被
褐笑浮荣

次友仁泊舟虎丘独步

西丘雨过落花邨决决溪塘水涨浑楼阁日斜唯影立辘轳泉滴尚声喧
无言苍石空横道傲世青山不出门
独往忽惊春已去题诗犹记刻舟痕

和胡五山陪吕浩翁春宴时吕已捐馆

华堂花气胜春寒曾伴山公醉玉阑
俛仰古今犹旦暮去来生死异悲欢
春风天女散花室夜月仙人承露盘
遗迹宛然成昨梦空留丽句与人看

送意无的游东林

大师何方去去上五老峯远公不可见
清池出芙蓉醉石闲来坐幽香定里逢
向来的的意白月冷青松

题马

奚官挟骑立举掌气桓桓语罢北风起
萧萧马色寒

题畫

风里征防驴上人前程路远又斜曛
不知有客红尘表闲看青山起白云

和山中送友

何年身外又生身始是乾坤自在人
翠茱阳回非在子碧桃花发自长春
人间不远三山路心上浑无一防尘
回首芙蓉峰在眼二黄应许作山賓

题牡丹

京洛全盛日花开大若槃
繁华惊梦觉风雨五更寒

题蕉石人马

牵来一疋五花马山立芭蕉大石旁
开卷明窻见神骏追风万里想乘黄